

博
物
典
彙

博物典彙卷之十三

史官黃道周參玄氏纂

田制

總論古今田制之異

黃氏曰。古之帝王。未嘗以天下自私也。故天子之地千里。公侯皆方百里。伯七十里。子男五十里。而王畿之內。復有公卿大夫采地祿邑。各私其土。子其人。而子孫世守之。其土壤之肥磽。生齒之登耗。視之如其家。不煩考覆。而姦僞無所

客故其時。天下之田。悉屬於官。民仰給於官者也。故受田於官。食其力而輸其賦。仰事俯育。一視同仁。而無甚貧甚富之民。此三代之制也。秦始以宇內自私。一人獨運於其上。而守宰之任。聚吏數易。視其地如轉舍。而閭里之情僞。雖賢且智者不能周知也。守宰之遷除。其歲月有限。而田土之遷受。其姦蔽無窮。故秦漢以來。官不復可授田。而田遂爲庶人之私有。亦其勢然也。雖其間如元魏之泰和。李唐之貞觀。稍若復三

代之規。然不久。而其制遂隳者。蓋以不封建而井田不可復行故也。三代而上。天下非天子所得私也。秦廢封建。而始以天下奉一人。三代以上。田產非庶人所得私也。秦廢井田。而始捐田產以予百姓矣。秦於其當與者取之。所當取者與之。然所襲既久。反古實難。欲復封建。是自割裂其土宇。以啓紛爭。欲復井田。是強奪民之田畝。以召怨讟。書生之論。所以不可行也。隨由之在民者稅之。而不復問其多寡。始於商鞅。隨民

之有田者稅之。而不復視其下中。始於楊炎。三代井田之良法。壞於商鞅。唐租庸調之良法。壞於炎。二人之事。君子所羞。稱而後之。爲國者。莫不一遵其法。一或變之。則反致於煩擾無稽。而國與民俱受其病。則以古今異宜故也。

田制之始

通典曰。黃帝時八家爲井。井開四道而分八鑿井於中。則田井之原。其來遠也。

周田制

周禮太宰以九職任萬民。一曰三農生九穀。二曰園圃毓草木。三曰虞衡作山澤之材。四曰藪牧養畜鳥獸。五曰百工飭化八材。六曰商賈阜通貨賄。七曰嬪婦化治絲枲。八曰臣妾聚斂蔬材。九曰閒民無常職轉移執事。○大司徒頒職事于邦國都鄙。使以登萬民。一曰稼穡。二曰樹藝。○小司徒之職。乃經土地而井牧其田野。○遂人辨其野之土。上地。中地。下地。以頒田里。上地。夫一廛。田百畝。萊五十畝。餘夫亦如之。中地。

夫一廛田百畝。萊百畝。餘夫亦如之。下地夫一廛田百畝。萊二百畝。餘夫亦如之。○前漢食貨志。聖王量能授事。四民陳力受職。民受田。上田夫百畝。中田夫二百畝。下田夫三百畝。歲耕種者爲不易。上田休一歲者爲一易。中田休二歲者爲再易。下田三歲更耕之。自爰其處。民年二十受田。六十歸田。七十以上。上所養也。十歲以下。上所長也。十一以上。上所強也。井田之制。始於九夫之井。而井方一里。終於四縣之都。而都

廣一同。大司徒之造都鄙。辨其不易一易再易之資。遂人之辨郊野。分其上地中地地下地之等。秦廢井田。

秦用商鞅廢井田。開阡陌。○黃氏曰。蘇洵謂欲復井田。非塞溪壑。平澗谷。夷丘陵。破墳墓。壞廬舍。徙城廓。易疆隴。不可爲也。縱使盡得平原曠野。而遂規畫於其中。亦當驅天下之人。竭天下之糧。窮數百年。專力於此。不治他事。而後可。葉適謂今天下爲一國。雖有郡縣吏。皆總於上。率

數年一代。是將誰使之乎。就使爲之。非少假十數歲不能定也。此十數歲。天下將不暇耕乎。由是觀之。則井田已廢千餘年矣。決無可復之理。不若隨時制宜。使合於人情。宜於土俗。而不失先王之意。斯可矣。

漢限田代田之法

漢文帝時。董仲舒說上曰。古井田法。雖難卒行。宜少近古。限民名田。以澹不足。塞兼并之路。然後可善治也。○武帝末年。以趙過爲搜粟都尉。

過能爲代田。一畝三畝。歲代其處。故曰代田古法也。○漢哀帝時。師丹請建限田。下其議。孔光何武請吏民名田。無過三十頃。

北魏均田之令

北魏孝文時。李安世上言。田業多爲豪戶所占。業雖桑井難復。宜更均量。使力業相稱。上善其議。下詔均天下人田。男夫十五以上。受露田四十畝。婦人二十畝。奴婢受田三十畝。戶絕者以爲公田。刺史十五頃。縣令以下六頃。其田則更

代相什。

北齊永業之制

北齊孝武河清三年。爲永業之制。令男子十八受田六十而免役。六十六退田。免租調。一夫受露田八十畝。婦人四十畝。每丁給永業二十畝。爲桑田。不在還受之限。不宜桑者。給麻田。

後周立司均之官

後周文帝親政之初。創制六官司均掌田里之政令。凡人口十以上宅五畝。口七以上宅四畝。

口五以下宅三畝有室者田百四十畝丁者田百畝。

唐定口分世業

唐始定受田之制。成丁者人一頃。其八十畝爲口分。二十畝爲世業。二百四十步爲畝。田多可以足其人者爲寬鄉。小者爲狹鄉。狹鄉受田減寬鄉之半。凡徙鄉及貧無以葬者得賣世業。自狹鄉徙寬鄉者得賣口分。已賣不復授。

宋田制

宋興建隆初。分命當參官往諸道郡田。至紹興初。又嘗行正經界之法。從李椿年之議也。至王安石散青苗頒方田於神宗之時。農民自足無安靖之凡。賈似道創官藏收租額於理宗之時。當時以爲有無窮之害。

林勲政本書

林勲上政本書曰。宜倣古井田之制。使民一夫占田五十畝。其有羨田之家。毋得市田。其無田與遊惰末作者。皆驅之使隸農。以耕田之羨者。

而雜紐錢穀。以爲十一之稅。丘氏曰。勲此書。朱子呂東萊皆稱許之。今考其書。百里之縣。歲率米五萬一千斛。錢萬二千緡。絹四十餘疋。綿三千四百斤。取民過重。恐非今日所宜用者。

本朝田土之制

凡各州縣田土。必須開豁各戶若干。及條段四至。係官田者。照依官山則例起科。係民田者。照依民田則例徵歛。務要編入黃冊。以憑徵收稅糧。如有出賣。其買者聽令增收。賣者卽當過割。

不許酒派詭寄。犯者律有常憲。其民間開墾荒田。從其自首。首實三年後。官爲收科。仍仰所在官司。每歲開報本部。以憑稽考。

附錄袁氏曰。古者料民任地。田皆上有。而公田之入。止藉民力。豐凶共之。故田無不均。賦無偏重。阡陌已開。田始私市。履畝而稅。賦法亦更割裂縱橫。難認八家之井。絲布銀絹。非出百畝所收。故古者重田。今者重賦。重賦故薄書疆界之分。寸必明。而不爲頭會重賦。故薄書

之毫釐必計而安問溝涂或一人而田有數
圖則數圖而戶併一扇荒區可藏腴產高圖
或是汙淥旱潦則被災之分數難稽徵收則
紙上之栽桑易隱官特總其大凡胥則巧爲
變幻歲增秒忽鄉戶莫知坵插毫釐中產不
辨圩無定坵坵無定畝肥瘠一則廣狹懸殊
倏忽飛走鬼不得而原也至於富人出銀賣
糧貧人買糧包納多推少收有總無散西北
曠壤好獎尤多大畝千步有奇小畝不滿二

百。皆繇奸胥狡獪。那移所致。坡公號稱豪傑。而患按地更賦之難行。可易言哉。嘗考周禮大司徒以天下土地之圖。周知九州之地域。我朝黃冊每里一圖。亦其遺法。然小民繡錯。而居圖於東。而家於西。田地則星分棋置。千古不易。故人不可以圖拘。而田則可以圖得也。惟以田繫人。不以人繫田。是以增損出入。莫可踪跡。愚謂宜盡天下田。重爲丈量。因地定賦。魚鱗圖之。占田者書其下。里爲一圖。

圖分十甲。里長各掌之。圖列黃冊之後。占用
之人。十年更書。圖則如故。歲當大造。里長察
之。卽歲之收除。以窮田之交割。或有失覺。或
爲姦利。以致糧徭役租稅。里長代辦。蓋先
王之世。八家同井。宅在田畔。人之所耕。粟共
知。賦之所入。粟共供也。故弊不作。今則彼此
殊方。田宅異所。一里之人。目不相識。一甲之
田。足不相躡。欺隱之罪。里長雖同。未嘗實責
之。故弊端百出。誠能圖田糧。明律令。一圖之

稅必問其田。一圖之田。必問其長。同在此間。
孰鬻孰承。孰洒孰寄。其知必詳。而又有代辦
之虞。其防必至。不然則里之田賦雖如圖。未
免陰縮胸。國之田賦雖如數。未免私登降。漸
積漸差。復如前矣。蓋井田誠爲腐談。然聽民
欺隱。通爲君臣。而不倣其遺法。以齊之可哉。

水利

古者導水之法

虞書曰。予決九州。距四海。濬畎澮。距川。蔡氏曰。九川。九州之川也。周禮一畝之間。廣尺。深尺曰畎。一同之間。廣二尋。深二仞曰澮。畎澮之間。有遂。有溝。有洫。皆通田間水道。以小注大。言畎澮而不及遂。溝。洫。舉大小以包其餘也。先決九州之水。使各通於海。次濬畎澮之水。使各通於川也。○周禮遂人掌邦之野。凡治野。夫間有遂。十

夫有溝。百夫有洫。千夫有澮。萬夫有川。○稱人
掌稼下地。以澮蓄水。以防止水。以溝蕩水。以遂
均水。以列舍水。以澮瀉水。○匠人爲溝洫。廣尺
深尺謂之畎。廣二尺深二尺謂之遂。井間廣四尺
深四尺謂之溝。廣八尺深八尺謂之洫。廣二尋
深二仞謂之澮。專達於川各載其名。凡天下之
地勢。兩山之間。必有川焉。大川之上。必有涂焉。
凡溝必因水勢。必因地勢。

後世水利

魏史起爲鄴令。引漳水溉鄴。民歌之曰。鄴有賢
令。今爲史公。決漳水。今灌鄴旁。終古。鳥鹵生稻
梁。○秦鄭國開涇水。自中山抵瓠口爲渠。用溉
注填闕之水。溉鳥鹵之地。四萬餘頃。收皆畝一
鍾。於是關中爲沃野。無凶年。名曰鄭國渠。○李
冰爲蜀守。壅河水作壩。穿二江以通舟船。因以
灌溉諸郡。於是蜀沃野千里。號爲陸海。○漢召
信臣爲南陽太守。於穰縣南造鉗盧陂。用廣灌
溉。歲歲增多。至二萬頃。人得其利。及後漢杜詩

爲守。後修其業。時歌之曰。前有召父。後有杜母。
○宋神宗熙寧元年。遣使察農田水利。中書又
言。諸州縣古蹟陂塘。其時皆畜水溉田。民利數
倍。近歲多所湮廢。詔諸路監司訪尋州縣可興
復水利。

古今論水利

馬氏曰。水利之說。三代無有也。蓋井田之行。方
井之地。廣四尺。謂之溝。十里之成。廣八尺。謂之
洫。百里之同。廣二尋。謂之浍。夫自四尺之溝。積

而至於二尋之滄。則夫一同之間。而捐膏腴之地。以爲溝洫之制。捐賦役之入。以治溝洫之利。蓋不少矣。是以能時其蓄洩。以備水旱。子產相鄭。猶必使田有封洫。蓋謂此也。自秦人開阡陌。廢井田。任民所耕。不計多少。而溝洫之制大壞。後之智者。遂因川澤之勢。引水以溉田。而水利之說興焉。魏起鄭白之徒。以此爲功。然水就下者也。陂而遏之。利於旱歲。不幸霖潦。則其害有不可勝言者。此翟子威、杜元凱所以決壞隄防。

以紓水患也。○黃氏曰。成周以前。井田與溝洫之制並行。旱乾則有蓄水之所。霖潦則有泄水之地。當是之時。民無水旱之憂。而常獲豐登之利。非遇大災變。不至於捐瘠也。自秦以後。井田廢而溝洫隨之。尚賴有民社之責者。因川澤之勢。而興灌溉之利。非惟農民賴之。而爲國家之益也。亦不少矣。世之守令。能有興修水利。以爲一方無窮之惠者。上之人。其尚旌異而顯懼之哉。

賦稅

唐虞賦法

堯遭洪水。天下分絕。使禹平水上。別九州。冀州
厥土自壤。厥田惟中中。厥賦上上錯。兗州厥土
黑墳。厥田惟中下。厥賦貞。作十有三載。乃同青
州。厥土自墳。厥田惟上下。厥賦中上。徐州厥土
赤埴墳。厥田惟上中。厥賦中中。揚州厥土惟塗
泥。厥田惟下下。厥賦下上上錯。荊州厥土惟塗
泥。厥田惟下中。厥賦上下。豫州厥土惟墳。厥

田惟中上厥賦錯上中。梁州厥土青黎。厥田惟下上。厥賦下中三錯。雍州厥土黃壤。厥田惟上上。厥賦中下。九州之地。定墾者九百一十萬八千二十頃。孔氏曰。田下而賦上者。人功修也。出上而賦下者。人功少也。五百里甸服。百里賦納總。二百里納錙。三百里納秸。四百里粟。五百里米。

三代賦法

夏后氏五十而貢。殷人七十而助。周人百畝而

徹其實皆什一也。朱子曰：夏時一夫受田五十畝，而每夫計其五畝之入以爲貢。商人始爲井田之制，以六百三十畝之地，畫爲九區，區七十畝，中爲公田，其外八家各授一區，但借其力以助耕公田，而不復稅其私田。周時一夫受田百畝，鄉遂用貢法，十夫有溝，都鄙用助法，八家同井，耕則同力而作，收則計畝而分，故謂之徹。其實皆什一也。貢法固以十分之一爲常數，惟助法乃是九一，而商制不可考。周制則公田百畝。

中以二十畝爲廬舍。一夫所耕公田實計十畝。通私田百畝爲十一。分而取其一。蓋又輕於十一矣。竊料商制亦當似此。而以十四畝爲廬舍。一夫實耕公田七畝。是亦不過什一也。

秦賦法

秦舍地而稅人。收太半之賦。竭天下之資財。以奉其政。猶未足以贍其欲也。二世承之不變。海內潰叛。

漢賦法

漢興天下既定高祖約法省禁輕田稅什五而
稅一。量吏祿度官用以賦於民。文帝十二年
詔賜天下民田租之半。

唐賦法

唐初始定租庸調之法。以人丁爲本。一曰租。丁
男一人授田百畝。但歲納租粟二石。一曰調。每
丁隨鄉土所出。歲輸絹及綾絁共二丈。綿三兩。
輸布者麻三斤。三曰庸。每丁定役二十日。不役
則日爲絹三尺。德宗時楊炎爲相。遂作兩稅法。

夏輸無過六月。秋輸無過十一月。以大曆十四年墾田之數爲定而均收之。黃氏曰。土地萬世而不變。丁口有時而盛衰。定稅以下。稽考爲難。定稅以酌。檢覈爲易。兩稅以租產爲宗。未必全非也。但立法之初。謂兩稅之外。不許分毫科索。然兵興費廣。不能不於稅外別有徵求耳。此時之弊。非法之弊也。自唐立此法之後。至今行之。遂爲百世不易之制。我朝稽古定制。以天下之墾田。定天下之賦役。因其地宜。立爲等則。

徵之於夏者謂之稅。徵之於秋者謂之糧。若夫
丁口之稅。百無取焉。

宋賦注

宋之財賦。大抵三變。每變每重。國初爲最輕。熙
寧之後。王安石以言利爲宰相。常賦之外。有青
苗免役之錢。坑冶權貨之利。雜焉而出。洎乎南
遷。則今歲金帛若干萬。納女真。明年金帛若干
萬。賂蒙古。而民益困矣。

國朝東南之賦

丘氏曰。東南財賦之淵藪也。自唐宋以來。國計咸仰於是。其在今日。尤爲切要重地。韓子謂賦出天下。而江南居十九。以今觀之。浙東西又居江南十九。而蘇松常嘉湖又居兩浙十九也。考洪武中。天下夏稅秋糧。以石計者。總三千九百四十三萬餘。兩浙所布政司二百七十五萬二千餘。蘇州府二百八十萬九千餘。松江府一百二十萬九千餘。常州府五十五萬一千餘。是一藩三府之地。其民和此天下爲重。其額糧比

天下爲多。今國家都燕。歲漕江南米四百餘萬石。以實京師。而此五郡者。幾居江西湖廣南直隸之半。自宣德正統以來。每擇任有心計重臣。巡撫其地。以司其歲入。蓋以此地朝廷國計所資故也。竊以蘇州一府計之以準其餘。蘇州一府七縣。其墾田九萬八千五百六頃。而居天下分八百四十九萬六千餘頃田數之中。而出二百八十萬九千石稅糧於天下二千九百四十餘萬石歲額之內。其科徵之重。民力之竭。可知。

也已。

土貢

禹貢記九州之貢

禹貢兗州厥貢漆絲青州厥貢鹽絺徐州厥貢
惟土五色楊州厥貢惟金三品荊州厥貢羽毛
齒革豫州厥貢漆枲絺紵梁州厥貢鏐鐵銀錫
荅磬雍州厥貢球琳琅。

成周貢法

周官大宰以九貢致邦國之用。一曰祀貢。二曰
嬪貢。三曰器貢。四曰幣貢。五曰材貢。六曰貨貢。

七日服貢。八曰旂貢。九曰物貢。○大行人九畿之貢。具前封建顙。○春秋桓公十有五年春二月天王使冢父來求車。○胡曰。遣使需索之謂求。王畿千里。租稅所入。足以充費。不至於有求。四方諸侯。各有職貢。不至於來求。以喪事來求。貨財。已爲不可。况車服乎。經於求。賄求車。求金。皆書曰求。垂後戒也。

漢貢法

漢高帝十一年。詔諸侯王。常以十月朝獻及郎

各以人口數率人歲六十三錢以給獻費。文帝後六年大旱蝗。今諸侯毋入貢。弛山澤。時有獻千里馬者。詔曰。鸞旗在前。屬車在後。吉行日五十里。師行日三十里。朕乘千里馬。獨先安之。於是還馬與道里費。元帝初元五年罷齊三服官。東漢世祖建武十三年。詔曰。往年已勅郡國異味。不得有獻御。今猶未止。非徒有豫養導澤之勞。至乃煩擾道上。疲費過所。其令大官勿復受。明勅下。以遠方口實。所以薦宗廟者。自

如舊制。

唐貢生

唐制州府歲市土所出以爲貢。其價視絹之上
下。無過五十疋。異物滋味。名馬鷹犬。非有詔不
獻。有加醜。則以代租賦。○德宗旣平朱泚之後。
屬意聚斂。藩鎮常賦之外。進奉不息。劍南西川
節度使韋臯有日進。江西觀察李兼有月進。他
如杜亞。劉贊。王緯。李錡。皆微射恩澤。以常賦入
貢。名爲羨餘。至代易。又有進奉戶部財物所在。

州府及巡院皆得擅留。或矯密旨加歛。或減剽吏祿。或販鬻蔬菓。往往私自入所進。纔十一三。無敢問者。刺史及幕僚。至以進奉得遷官。

宋貢法

宋太祖建隆二年。詔文武官及致仕官僧道百姓。自今長春節。及他慶賀。不得輒有獻貢。○自唐天寶以來。方鎮屯重兵。多以賦役自贍。名曰留使留州。其上供殊鮮。五代方鎮益強。率令部曲主場院。厚歛以自利。其屬三司者。補大吏臨

之。輸額之外。輒入已。或私納貨賂。名曰貢奉。用
典恩賞。上始卽位。循循前制。牧守來朝。皆有貢
奉。及趙普爲相。勸上革去其弊。是月申命諸州
度支給費外。凡金帛悉送都下。以助軍實。無得
占留方鎮。關帥守令文臣。權知所在。場院問遣
京朝官。遷臣監臨。又置轉運使。通判條禁文簿。
漸爲精密。由是利歸於上。外權削矣。○真宗時。
內侍裴愈。因事至交州。俾其進龍花葉。帝怒。黜
愈。神宗以諸州貢物耗蠹民力。詔罷之。○孝宗

詔諸路或假貢奉爲名。漁奪民利。果實則封閉
園林。海錯則強奪商販。至於禽獸昆蟲珍珠之
屬。則抑配人戶。致使所在居民。以土產之物爲
苦。仰州軍條其土產合貢之物。聞於朝。當議參
酌。天地宗廟。陵寢合用薦獻。及德壽宮。甘旨之
奉。止許長吏。修貢外。其餘一切並罷。州郡因緣
多取。以違制坐之。

國朝貢法

太祖皇帝於國初卽定諸州所貢之額。如太常

寺之牲幣。欽天監之曆紙。太醫院之藥材。光祿寺之廚料。寶鈔司之桑穰。與凡皮角翎鱗之屬。皆有資於國用者也。若爲定額。俾其歲辨。外此珍奇玩好。皆不取焉。遇有急闕之用。則折租以市。凡唐宋以來。所謂藩方之羨餘。郡國之進獻。俟幸之珍異。一切無有焉。

戶口

歷代恤民之政

大司徒以保息六養萬民。一曰慈幼。二曰養老。三曰振窮。四曰恤貧。五曰寬疾。六曰安富。漢惠帝六年。令民女子年十五以上。至三十不嫁。五笑。丘氏曰。漢律人出一笑。今人出五笑。罪之也。章帝元和二年。詔曰。諸懷姙者。賜胎養穀人三斛。後其夫勿笑一年。三年詔。嬰兒無親屬者。及其子不能養者。廩給之。

周人版數之詔

周禮大司徒之職掌建邦之土地之圖與其人民之數以佐王安擾邦國又日以土宜之法辨十有二土之名物以相民宅而知其利害以阜人民。小司寇及之比登民數自生齒以上登于天府內史司會冢宰貳之以制國用。丘氏曰。始之內史以書其名。繼之司會以計其數。終之冢宰以統其成。○司民掌登萬民之數自生齒以上皆書于版。辨其國中與其都鄙及其郊野

異其男女。歲登下其死生。及三年大比。以萬民之數。詔司寇司寇獻之于王。王拜受之。

漢唐宋戶口之數

漢自高祖訖於孝平。民戶千二百二十三萬三千餘口。五千九百五十九萬四千餘。漢極盛矣。丘氏曰。此西漢戶口極盛之數。○桓帝永壽二年。戶千六百七萬九百口。五千六萬六十。丘曰。此東漢戶口極盛之數。○唐天寶十三載。戶九百六萬九千。杜祐曰。唐自武德初至天寶末。凡

百三十有八年。可以比崇漢室。而人戶總比於隋氏。蓋有司不以經國叙遠爲意。法令不行。所在隱漏之甚也。胡寅曰。明皇享國雖久。戶口雖多。不及易世。而身自毀之。比禍亂削平。幾去其半。徒以內有一楊太真。外有一李林甫。而致之。嗚呼。可不監哉。○憲宗元和時。戶二百四十七萬三千。胡寅曰。天寶初。戶幾一千萬元。和戶僅二百四十七萬。是十失其八也。憲宗急於用兵。則養民之政。不得厚重以用。昇鐫聚歛。受諸道。

貢獻百姓難乎其阜蕃矣。

附錄黃氏曰。三代以上。戶口莫盛於成王之
時。凡一千七百三十萬。四千九百二十有奇。
兩漢以來。戶口莫盛於平帝之時。凡一千二
百二十三萬三千六十有奇。唐之戶口莫盛
於玄宗。凡九百九十一萬九千三百有奇。宋
之戶口莫盛於神宗。凡一千三百九十一萬
有奇。蓋其登耗有由然矣。自其有兵革之禍
也。彫耗於戰鬪之場。枕籍于干戈之後。而民

始不堪其命。自其有刑役之害也。根連株繁。於羅織之獄。勞筋苦骨於營繕之工。而民始不聊其生。苟非此數者。而使之安。至家之生聚。遂於田野之樹蓄。戶口惡有不平乎。

又曰。戶口之逃移者。朝廷非不留意也。又有庶民之官矣。然其逃移者。皆無一瓦之覆。無一隴之植者也。招之雖來。誰能奠其居乎。今莫若隨處許其報籍。如宋之分客戶主戶。凡客戶皆輕其稅役。則庶乎可矣。

古今論民數

徐幹曰。夫治平在庶功興。庶功興在事役均。事役均在民數周。民數周爲國之平。故民數者。庶事之所自出也。莫不取正焉。以分田里。以給貢賦。以造器用。以制祿食。以起田役。以作軍旅。國以建典。家以立度。五禮用修。九刑用措。其惟審民數乎。杜祐曰。古之爲理也。在於周知人數。乃均其事役。則庶功以興。國富家足。教從化被。風齊俗一。夫然。故災沴不生。悖亂不起。所以周

官有比閭族黨州縣鄉鄙之制維持其政綱紀
其人獻民數于王王拜受之其敬之守之如此
其重也及理道乖方版圖脫漏人如鳥獸飛走
莫制家以之乏國以之貧姦宄漸興傾覆不悟
斯政之大者遠者將求理平之道非無其本歟

役法

周役法

周禮小司徒之職乃均土地以稽其人民而周知其數上地家七人可任也者家三人中地家六人可任也者二家五人下地家五人可任也者家二人凡起徒役毋過家一人以其餘爲羨唯田與追胥竭作。鄉大夫之職以歲時登其夫家之衆寡辨其可任者國中自七尺以及六十野自六尺以及六十有五皆征之其舍者國

中貴者賢者能者服公事者老者疾者皆舍。○
均人以歲上下。豐年則公旬用三日焉。中年則
公旬用二日焉。無年則公旬用一日焉。凶札則
無力政。○王制曰。八十者一子不從政。九十者
其家不從政。廢疾非人不養者。一人不從政。父
母之喪。三年不從政。齊衰大功之喪。三月不從
政。將徙於諸侯。三月不從政。自諸侯來徙家。期
不從政。○三代役法。莫詳於周。周禮伍兩軍師
之法。此兵役也。師田追胥之法。此徒役也。府史

胥徒之有備。此胥役也。比閭族黨之相保。此鄉役也。有司徒焉。則因地之美惡以均役。有族師焉。則校民之衆寡以起役。有鄉大夫焉。則辨民之老少以從役。有均人焉。則論歲之豐凶以行復役之法。

漢役法

秦用商鞅之法。月爲更卒。已復爲一歲屯戍。一歲力征。三十倍於古。漢興循而未改。○漢高祖四年。初爲筭賦。馬氏曰。古之治民者。有田則稅。

之。有身則役之。未有稅其身者也。漢法民年十五而笑出口賦。至五十六而除。二十而傳給經役。亦五十六而除。是稅之且役之也。丘氏曰。後世戶口之稅始此。漢制十里一亭。亭有長。十亭一鄉。鄉有三老。鄉老以事相教。勿復經役。而以嗇夫收賦役。以遊徼禁盜賊。所以役民者。歲不過三日。當屯戍不行者。出錢三百以給戍者。此因秦制也。武帝天漢四年。顧役有七科之誦。一吏有罪。二十命。三贅婿。四賈人。五故有市。

籍。六父母有市籍。七大父母有市籍。昭帝元鳳中。顧役有三品之號。一卒更。二踐更。三過更。

唐役法

唐令以百戶爲里。五里爲鄰。每里設正一人掌案。比戶口課植桑農。檢察非違。催驅賦役。在邑居者爲坊。別置方正。在田野居者爲村。別置村正。唐太宗初置租庸調之法。謂之庸者。歲不過二十日。閏加二日。不役者日爲絹三尺。有事而加役二十五日者。免調三十日者。租調俱免。

通正役不過五十日。其後楊炎爲相。廢租庸調之法。取大曆中。一年科歛最多者爲額。總定爲兩稅。則租庸調俱在其中矣。數年以後。庸錢已納。差役如故。言制凡里有手。實法歲終具民之年。與地之澗狹爲鄉帳。鄉成於縣。縣成於州。州成於戶部。又有計帳。具來歲課役以報度支。○宣宗時詔州縣差役不均。自今每縣據人貧富。及役輕重作科差簿。委令據簿科差。

宋役法

宋以衙前主官物以里正戶長鄉書手課督賦役。以耆長弓手壯丁逐捕盜賊。以承符人力手力散從官給使令。縣曹司至押錄。州曹司至孔目官。下至雜職虞候揀摺等人各以鄉戶等第定差。丘氏曰。此宋初以來差役法也。○凡當役人以等第出錢。名免役錢。其坊郭等第戶及未成丁單丁女戶寺觀品官之家。舊無色役而出錢者。名助役錢。凡勞錢先視州若縣應用僱直多寡。隨戶等均取。僱直既已用足。又率其數增

取二分以備水旱欠闕。謂之免役寬剩錢。丘氏曰。此宋熙寧免役法也。其議始於韓絳。成於王安石。○呂中曰。司馬光主差役。王安石主保。二役輕重相等。利害相半。蓋嘗推原二法之誤。差役之法行。民雖有供役之勞。亦以惟有田則有租。有租則有役。皆吾職分當爲之事。無所憾也。其所可革者。衙前之重役耳。官物陷失。勒之出官。綱費用責之供。農民之所不堪。苟以衙前之役募而不差。農民免任。則民樂於差之法矣。

至僱役之法行。民雖出役之直。而閭閻安坐。可
以爲生生之計。亦無怨也。其可去者。寬剩之數
數耳。實費之用。固所當出。額外之需。非所當誅。
苟以寬剩之數。散而不歛。則民樂於雇之使矣。
因其利而去其害。二役皆可行也。○乾道間。又
有議役。令民量家業之厚薄。隨戶役之多寡。輸
金買田。遇當役者。以田給之。淳熙中。又令浙西
官田。悉以分給諸郡。以克民之義役。然義役僅
行於山陰之諸縣。他處雇役如故。

本朝役法

會典凡各處有司。十年一造黃冊。分豁上中下三等。人戶。仍開軍民竈匠等籍。除年里甲依次充當外。其大小雜派差役。各照所分上中下三等。人戶點差。○凡民年八十之上。止有二子。若係有田產。應當差役者。許令僱人代替。出官無田產者。許存侍丁與免雜役。○洪武十八年。令有司第民戶上中下三等。爲賦役冊。貯於廳事。凡遇徭役。取驗以革吏弊。

理財

周官理財之法

周禮太宰以九賦歛財賄。一曰邦中之賦。二曰四郊之賦。三曰邦甸之賦。四曰家削之賦。五曰邦縣之賦。六曰邦都之賦。七曰關市之賦。八曰山澤之賦。九曰幣餘之賦。以九式均節財用。一曰祭祀之式。二曰賓客之式。三曰喪荒之式。四曰羞服之式。五曰工事之式。六曰幣帛之式。七曰芻秣之式。八曰匪頒之式。九曰好用之式。

太府掌九貢九賦九功之詎。以受其貨。賄之入
頒其貨于受藏之府。頒其賄于受用之府。凡官
府都鄙之吏及執事者。受財用焉。凡頒財以式
法授之。關市之賦。以待王之膳服。邦中之賦。以
待賓客。四郊之賦。以待芻秣。家削之賦。以待匪
頒。邦甸之賦。以待工事。邦縣之賦。以待幣帛。邦
都之賦。以待祭祀。山澤之賦。以待喪荒。幣餘之
賦。以待賜予。凡邦國之貢。以待節用。凡萬民之
貢。以充府庫。凡式貢之餘財。以供玩好之用。凡

邦之賦用取具焉。歲終則以貨賄之入出會之。
○玉府掌王之金玉玩好兵器。凡良貨賄之藏。
凡王之獻金玉兵器文織良貨賄之物。受而藏
之。凡王之好賜。共其貨賄。○內府掌受九貢九
賦九功之貨賄。良兵良器。以待邦之大用。凡四
方之幣獻之金玉齒革兵器。凡良貨入焉。○外
府掌邦布之人出。以供百物而待邦之用。凡有
法者。共王及后世子之衣服之用。○司會掌邦
之六典八法八則之貳。以逆邦國都鄙官府之

治。以九貢之法。致邦國之財用。以九賦之法。令
田野之財用。以九功之法。令民職之財用。以九
式之法。均節邦之財用。掌國之官府郊野縣都
之百物財用。凡在書契版圖者之貳。以逆郡吏
之治。而聽其會計。以參互攷日成。以月要攷月
成。以歲會攷歲成。以周知四國之治。以詔王及
冢宰廢置。○司書掌邦之六典八法八則九職
九正九事。邦中之版籍土地之輿圖。以周知人
出日物以敘其財。受其幣。使八千職幣。○職內

掌邦之賦入辨其財用之物而執其總以貳官府都鄙之財入之數以逆邦國之財用。職歲掌邦之賦出以貳官府都鄙之財出賜之數以待會計而攷之。職幣掌式法以欽官府都鄙與凡用邦財者之幣振掌事者之餘貺皆辨其物而奠其祿以書揭之以詔上之小用賜予歲終則會其出。廩人掌九穀之數以待國之匪頒賜賜稍食以歲之上下數邦用以知足否以詔國用以治年之豐荒凡萬民之食食者人四

黜上也。人三黜中也。人二黜下也。若食不能人
二黜。則令邦移民就穀。詔王殺邦用。凡邦有會
同師役之事。則治其糧與其食。○倉人掌粟入
之藏。辨九穀之物。以待邦用。若穀不足。則止餘
法用。有餘則藏之。以待凶而頒之。○黃氏曰。周
禮一書。誠周公致太平之典也。其間理財之法
居多。而其制用之柄。則付之大臣。有太宰以制
其出。有司徒以制其入。而其官屬之置於太宰
者。尤爲詳焉。有職內以會其入。有職歲以會其

出有職幣以會其餘。而其大要則總之以司會而掌之以司書。其所以參校鈎稽之者。日有日要。月有月成。歲有歲會。若夫司徒之屬。則又有所謂泉府廩人。舍人。倉人者焉。或以分其財。守或以取其財用。豈古昔聖君賢輔固屑屑然爲是不憚煩哉。蓋以財之有無。國之貧富。民之休戚。兵之強弱。世之治亂。繫焉。是故人君治世之大用。而大臣經國之要務也。原其所以經治之大要有三焉。生財有道。取財有義。用財有禮。而

已先儒謂自其繫之九兩以定其業任之九職以原其生。雖無常職者。猶使之轉移執事。以食其力。凡此皆生其財者也。財足矣。然後制九賦之法。以取之。輕重多寡。內外遠近。皆酌以爲中。制而無一毫之過焉。而又制爲九式之法。以用之。什祭祀賓客以至好用。又從而均節之焉。夫有道以生財。有義以取財。有禮以用財。然後有以服天下。則諸侯莫敢不來享。而邦國之用可得而制矣。故九貢又次之。

漢理財之政

漢制大司農卿一人掌諸錢穀金帛諸貨幣。郡國四時上月旦見錢穀簿。其逋未畢。各具別之。邊郡諸官請調度者。皆爲報給。損多益寡。取相給足。丞一人。主帑藏。○少府卿一人。掌中服御諸物衣服寶貨珍膳之屬。凡山澤陂池之稅。名曰禁錢。皆屬焉。後漢始以屬司農。水衡都尉。主上林苑。後漢省之。并其職於少府。○漢高祖時張蒼爲計相。

唐理財之政

唐制度支郎中掌天下租賦物產豐約之宜道
涂之利歲計所出而支度之。○德宗時以吏部
尚書劉晏判度支。○唐制戶部掌天下土地人
民錢穀之政貢賦之差其屬有四一日戶。掌戶
口土田賦役貢獻蠲免優復之事以租庸調錢
其物以九等定天下之戶二曰度支掌天下租
賦物產豐約之宜水陸道涂之利歲計所出而
支調之。三曰金掌天下庫藏出納權衡度量之

數四曰倉。掌天下軍儲出納。租稅祿糧。倉廩之
事。以義倉常平倉。備凶年平糶價。○唐故事。天
下財賦歸左藏。而太府以時上其數。尚書比部
覆其出入。第五琦爲度支鹽鐵使。請皆歸大盈
庫。供天子給賜。主以中官。自是天下之財。爲人
君私藏。有司不得經其多少。○李翱作平賦書。
蓋憫當時之財不平也。其所謂人皆知重歛之
可以得財而不知輕歛之得財愈多。其言尤爲
警切。

宋理財之政

宋沿五代之制。置三司使以總國計。號曰計省。位亞執政。目爲計相。恩數與參樞同。○宋太祖以軍旅饑饉。當預爲之備。不可臨事厚歛於人。始於講武殿置封樁庫。嘗欲積纁帛二百萬。易胡人首。○太宗置景福殿庫。隸內藏庫。棟納諸川上供物。謂左右曰。此蓋慮司計之臣不能約節。異時用度有闕。復賦率其民耳。朕終不以此目供嗜好也。

國計簿

唐李吉甫撰元和國計簿上之。丁謂因之。爲景德會計錄。其後林特作於祥符。田況作於景佑。蔡襄作於治平。韓絳作於熙寧。蘇轍作於元祐。元祐所會計者。其別有五。一曰收支。二曰民賦。三曰課入。四曰儲運。五曰經費。所以總括天下財賦出入之數。而周知其有無多寡。以爲豐殺增減者也。○陸贄曰。地方之生物有大數。人力之成物有太限。取之有度。用之有節。則常足。取

之無度。用之無節。則常不足。生物之豐敗由天。用物之多少由人。是以先王立程。量入爲出。雖遇災難。下無困窮。理化旣衰。則乃反是。祭用天下而不足。湯用七十里而有餘。是乃用之盈。虎在於節與不節耳。不節則雖盈必竭。能節則雖虛必盈。○宋蘇軾曰。爲國有三計。有萬世之計。有一時之計。有不終月之計。古者三年耕。必有一年之蓄。以三十年之通計。則可以九年無饑也。歲之所入足用而有餘。是以九年之蓄常閒。

而無用卒有水旱之變盜賊之憂則官可以自
持而民不知如此者天不能使之災地不能使
之貧盜賊不能使之困此萬世之計也而其不
能者一歲之入纔足以爲一歲之出天下之產
僅足以供天下之用其平居雖不至於虐取其
民而有急則不免於厚賦故其國可靜而不可
動可逸而不可勞此亦一時之計也至於最下
而無謀者量出以爲入用之不給則取之益多
天下晏然無大患難而盡用衰世苟且之法不

知有急則將何以加之。此所謂不終月之計也。
○蘇轍曰。方今之計。莫如豐財。然所謂豐財者。
非求財而益之也。去事之所以害財者而已。使
事之害財者未去。雖求財而益之。財愈不足。使
事之害財者盡去。雖不求豐財。然而求財之不
豈亦不可得也。事之害財者三。一口冗吏。二曰
冗兵。三曰冗費。三冗既出。天下之財得以日生
而無害。百姓充足。府庫盈溢。人君所爲無不成。
所欲無不如意矣。○曾鞏曰。天下之費。有約於

舊而浮於今者，有約於今而浮於舊者。其浮者，必求其所以浮之自而杜之。其約者，必求其所以約之由而從之。

博物典彙卷之十三終

博物典彙卷之十四

史官黃道周參玄氏纂

鹽法

鹽之始

禹貢海岱惟青州。厥貢鹽絺。

周鹽人之職

周禮鹽人掌鹽之政令。以共百事之鹽。祭祀共其苦鹽。散鹽賓客共其形鹽。散鹽。王之膳羞共其飴鹽。后及世子亦如之。

管仲與鹽筴

齊桓公問管仲何以爲國。管仲曰。海王之國。謹正鹽筴。十口之家。十人食鹽。百戶之家。百人食鹽。計其鍾釜而給之。於是說桓公伐荊薪煮海水爲鹽。令北海之粟。毋得聚庸而煮鹽。呂祖謙曰。自此後鹽禁始開。

漢鹽法

漢承秦法。鹽鐵之利。二十倍於古。漢武帝時孔僅東郭咸陽言。願募民因官器作醬鹽官。予

牢盆敢私鬻鹽者。鈇左趾。○孝昭時。令郡國舉
賢良文學之士。問以民所疾苦。皆對曰。願罷鹽
鐵官。無與百姓爭利。桑弘羊難以爲此。國家大
業。所以制四夷。安邊足用之本。不可廢也。○孝
元時。嘗罷鹽鐵官。三年而復之。丘氏曰。置鹽官
始於漢。

唐劉晏鹽法

唐劉晏爲鹽鐵使。晏以爲因民所急而稅之。則
國用足。以是上鹽法輕重之宜。其始至也。鹽利

月有鹽課。卷十四
二
歲纔四十萬緡。其後乃至六百餘萬緡。天下之
賦鹽居其半。宮闈服御軍餼百官祿俸皆仰給
焉。

宋鹽法

宋雍熙以後以用兵乏饋餉。令商人輸芻粟塞
下。增其直。令江淮荆湖給以顆末鹽。端拱二
年置折中倉。聽商人輸粟京師。優其直。給江淮
鹽。丘氏曰。此後世詔商中鹽之始。蓋以折中
糧草。以贖邊兵中緡金銀。以實官庫。無起情工

夫之據無冒淡水陸之虞官得用而民不告勞
商得利而民不淡食是誠安邊足用之良法也
○宋初鹽鈔未行是時於建安軍置鹽倉乃令
真州發運是時李沆爲發運使運米轉入其倉
空船回皆載鹽散於江浙湖廣諸路各得鹽資
無運而民力寬林駟曰宋朝鹽鈔未行置倉建
安江浙湖廣以船運米而入真州真州因船回
鹽而散江浙湖廣此之發鹽得船爲便彼之回
船得鹽爲利丘氏曰此宋朝轉搬之法○陝

西河東願鹽舊法官自般運置務拘賣兵部員外郎范祥始爲鈔法令商人就邊郡入錢售鈔請鹽任其私賣得錢以實塞下省數十郡般運之費丘氏曰鹽鈔之名始此

國朝鹽法

黃氏曰我朝產鹽之地設轉運司者六提舉司者七每歲鹽課各有定額行鹽各有地方不許過界每引以二百斤爲袋帶耗五斤凡遇開中鹽糧量所在米價貴賤及道路遠近險易定立

則例出榜召商中納。祖宗以來鹽司每歲收貯歲課存積在官。客商執引照支。各有次第。謂之常服鹽。近因邊儲急用增直。召商中納。不依資次。人到卽於支給。謂之存積。存積既興。常服遂虧。支者日多。而積者日少。遂使今日之存積亦無以異於前日之常服。商賈待日久而支出難其利微矣。○國初鹽制每引納銀八分。永樂中輸粟二斗五升。富商悉聚邊自行耕墾。煮築堡聚。所以食足兵強。天順成化年間。甘肅寧夏粟

博學彙編 卷一百一十四
一石易銀二錢時有計利者曰商人止每引輸粟二斗五升是以銀五分得鹽一引也請更法每引課銀四錢二分至弘治時戶部尙書葉淇淮安人鹽商皆其親識因與淇言遂准運司納銀類解戶部於是商賈不復存邊易粟悉資輓運矣致令千里沃壤莽然荆榛米一石甚至有時值銀五兩皆鹽法更弊之故也嘉靖以來增至七錢矣所以報中少而國課益虧故復鹽法以紓邊困雖引鹽以來商賈乃最急務云○河

東有池鹽。滇蜀有井鹽。八閩有曬鹽。惟兩淮兩浙滄濟之鹽。所用半于方內。○寧夏有鹽池。大小二。其鹽皆不假人力。自然結成。○舊制兩淮鹽額六十九萬六千三百引。兩浙鹽額四十四萬四千七百六十九引。長蘆六十萬五千三百四十引。原無餘鹽之例。嘉靖二十九年。詔革餘鹽。不二年。部臣請役餘鹽。以資邊用。從之。餘鹽復行。○今按兩淮鹽課幾二百萬。可當漕運米直全數。天下各鹽運。兩淮課居其半。而浙次

之。長蘆次之。福場無巡御。以行無遠地。河東場無運官。以出有專所。廣場兼之。故巡運俱無。清理鹽法都臺止一員。統治長蘆淮浙。考初制。煎鹽竈戶。以附近丁產殷實人克之。免其雜泛差役。分給鹵地。以爲刈煎。分給山蕩。以爲薪蒸。每一引鹽官給工本米一石。又視米價低昂。聽錢鈔兼支。所以優給竈戶者。至厚。其時招商課額。既輕。又無搭配之擾。與守支之苦。及改輸粟之法。商人以粟收引於邊。而支鹽於場。引到卽

文官吏不得留難勞要不許占中。商人實獲其利故樂於報中。其後蠹弊日生。竈戶場蕩爲繼。催者兼併。又禁餘鹽不得私賣。官抑其價而收之。每餘鹽二百斤。給米或麥止一石。更有賸其米麥而徒征其餘鹽者。於是杜戶重困。逃亡者比比及改運司納銀。至於長蘆兩浙兼配搭支一商而三路守候。且有斗頭火耗查盤開領勘合等用費。更不貲。又分鹽額而二之。七分爲常服。三分爲存積。常服者。商人中納給引。守支者。

也存積者積鹽在場遇用急缺許增價開中越次放支於是奸商爭以此爲捷徑而常服之鹽益壅至有祖孫相守而得支者又有夾帶之條卽商人附引餘鹽而掊尅進奉之臣亦以夾帶例割沒之歲上割沒課嘉靖末年多至百萬兩此皆明奪之商人者也又有權豪勢官遇開中餘鹽之歲陰營之權使者及撫臣預定其支放之鹽額在其處多日買窩商人至則以其窩賣之商人輸價守支數十年而不得者此輩一旦

坐而收其厚利矣是皆商人之苦也

茶法

唐趙贊倡稅茶之議

唐德宗時趙贊議稅茶。以爲常平本錢。然軍用廣。所稅亦隨盡。亦莫能克本儲。及出奉天。乃悼悔。下詔亟罷之。○貞元九年。從張滂請。初稅茶。凡出茶州縣。及商人要路。每十稅一。以所得稅錢別貯。若諸州水旱。以此錢代其租稅。然稅無虛歲。遭水旱處。亦未嘗以稅茶錢拯贖。丘氏曰。茶之有稅。始此。

唐王播置榷茶使

唐穆宗時王播爲鹽鐵使增天下茶稅率百錢增五十。及播爲相置榷使自領之。丘氏曰置使增稅遂爲生民無窮之害。

宋茶法

宋太祖乾德二年詔在京建州漢陽新口各置榷貨務。五年始禁私賣。○開寶七年有司以湖南新茶異於常歲請高其價以需之。太祖曰道則善矣。無乃重困吾民乎。卽詔第復舊制勿增。

價值。○陳恕爲三司使。將立茶法。召茶商數十人。俾調利害。第爲三等。副使宋太祖曰。吾視上等之說。利取太深。此可行於商。買不可行於朝廷。下等固滅裂無取。惟中等之說。公私皆濟。吾裁損之。可以經久行之。數年公用足而民富實。○仁宗初建茶務。歲造大小龍鳳茶。始於丁謂而成於蔡襄。

宋以茶易馬

宋神宗熙寧七年。幹當公事李杞入蜀。經畫買

茶於秦鳳熙何博馬王韶又言西人頗以善馬
至邊所嗜惟茶。○自熙豐來舊博馬皆以粗茶
乾道之末始以細茶遺之。成都利州路十二州
產茶二千一百二萬觔。茶馬司所收大較若此。
○丘氏曰。後世以茶易虜馬。始見於此。蓋自唐
世回紇入貢。已以馬易茶。則西北之虜嗜茶有
自來矣。

本朝茶法

本朝捐茶利予民而不利其入。凡前代所謂推

務貼射交引茶由諸種各色。今皆無之。惟於四
引置茶馬司四間。於關津要害置數批驗茶川
所而已。及每年遣行人於行茶地方。張掛榜文
俾民知禁。又於西蕃入貢爲之禁限。每人許其
順帶有定數。所以然者。非爲私奉。蓋欲資外國
之馬。以爲邊境之備焉耳。○考洪武五年。戶部
言四川產巴茶。凡四百四十七處。茶戶三百一
十五。宜依定制。每茶十株。官取其一。歲計得茶
萬九千二百八十觔。今有司時候西番易馬。從

之。至三十一年。置成都重慶保寧三府。及播州
宣慰司茶倉四所。命四川布政司移文天全六
番招討司。將歲收茶課。仍收礪門茶課司。餘地
方就送新倉收貯。聽商人交易。及與西番市馬。
○茶課歲額五萬餘觔。每百觔加耗六觔。商茶
歲中率八萬觔。令商運賣。官取其半。易馬。納馬
番族。洮州三十。河州四十三。又新附歸德所生
番一十一。西寧一十三。茶馬司收貯官茶。立金
牌信符爲驗。洪武二十八年。駙馬歐陽倫以私

販茶撲殺。因初茶禁之嚴如此。

雜權

權鐵

周禮卅人掌金玉錫石之地。而爲之厲祭以守之。若以時取之。則物其地圖而授之。巡其禁令。○漢武帝從鹽鐵丞孔僅東郭咸陽言。置鐵官凡四十郡。郡不出鐵者。置小鐵官。使屬所在縣。敢有私鑄鐵器者。鈇右趾。沒入其器物。

征商

周禮太宰九賦。其七日關市之賦。○大府掌九

賦之貳以受其貨賄之入。關市之賦以待王之
膳服。司市國凶荒札喪則市無征。○廛人凡
珍異之有滯者歛而入于膳府。司關掌國貨之
節。以聯門市。司貨賄之出入者掌其治禁。與其
征廛。凡貨不出於關者舉其貨罰其人。凡所達
貨賄者則以節傳出之。國凶札則無關門之征。
猶訛。○漢高祖時凡市肆租稅之入自天子至
于封君皆各自爲私志養不領於天下經費。又
令賈人不得衣絲乘車重租稅以困辱之。武

帝元光六年。初算商賈。

榷酤

酒詰于若曰。明大命于妹邦。乃穆考文王。肇國在西土。厥誥步庶邦。庶士。越少正御事。朝夕曰。祀茲酒。惟天降命。肇我民。惟元祀。○文王誥教小子。有正有事。無彝酒。越庶國飲。惟祀。德將無醉。○別汝剛制于酒。厥或誥之曰。群飲。汝勿佚。盡執拘以歸于周。予其殺。○周禮酒正掌酒之政令。以式法授酒材。凡爲公酒者。亦如之。○酒

人掌爲五齊三酒。○萍氏掌國之六禁。幾酒。謹酒。○司戒掌憲市之禁令。禁其以屬遊飲食於市者。若不可禁。則搏而戮之。○武帝天漢三年。初榷酒酤。○呂氏曰。周公作酒誥以告康叔。是恐人沈湎浸漬。傷德敗性也。至於周公之禁酒。禹之惡旨酒。皆是此意。及其再變。如漢文爲酺。景帝以歲旱。禁民酺酒。與古人恐民傷德敗性。已自不同。恐有用爲無用之物。耗穀米。民食不足。此是再變。然猶有重本抑末之心。及至三變。

日桑弘羊建榷酒之利設心大不同不迥私家
不得擅利公家却自專其利耳

荒政

成周荒政

周禮大司徒以荒政十有二聚萬民。一曰散利。二曰薄征。三曰緩刑。四曰弛力。五曰舍禁。六曰去幾。七曰背禮。八曰殺哀。九曰蕃樂。十曰多婚。十一曰索鬼神。十二曰除盜賊。○遺人掌邦之委積以待施惠。鄉里之委積以恤民之艱厄。門閭之委積以養老孤。郊里之委積以待賓客。野鄙之委積以待羈旅。縣都之委積以待凶荒。○

原人掌九穀之數。以待國之匪頒。賜稍食。以歲之上下。數邦用以知足否。以詔國用。以治年之豐凶。凡萬民之食。食者人四鬴上也。人三鬴中也。人二鬴下也。若食不能入二鬴。則令邦移民就穀。詔王殺邦用。丘氏曰。周禮十二荒政。是國家遇凶荒之時。救濟之法也。邇人所掌。是國家常時收諸委積。以待凶荒施惠之法也。原人所掌。是國家每歲計其豐凶。以爲嗣歲移就之法也。蓋其未荒也。預有以待之。將荒也。先有

以計之。旣荒也。大有以救之。此三代之民所以
遇災而無患也歟。○王制三年耕。必有一年之
食。九年耕。必有三年之食。以三十年之通。雖有
旱乾水溢。民無菜色。然後天子食。日舉以樂。○
玉藻年不順成。則天子素服乘素車。食無樂關。
梁不和。山澤列而不賦。土工不興。大夫不得造
車馬。

李愷平糶法

耿壽昌常平倉

魏李愷平糶法。中饑則發中熟之所歛。大饑則

發大熟之所歛而糴之。故雖遇饑饉。糴不貴而民不散。漢耿壽昌請令邊郡築倉。以穀賤時則增價而糴。以利農。穀貴時則減價而糴。以利民。名曰常平倉。丘氏曰。壽昌常平之法。非不善也。然年之凶歉不常。穀之種類不一。或連歲荒歉。或此種熟而彼種不收。苟其歛散之際。非斟酌而上下之。其法將有時而不平者矣。惟今江北之地。地無窖藏。不種五穀。宜倣此法於要害去處。立常平倉。專差戶部屬官。往蒞其事。隨

息計米以償。自後隨年歛散。小歛則蠲其息之半。大饑則盡蠲之。凡十有四年。得息米造屋三間。乃以原數六百石還府。以見儲米三千一百石。以爲社倉。不復收息。每石止收耗米三升。以是一鄉之間。雖遇凶年。人不缺食。後請以其法行之他處。

呂氏祖謙論荒政有四

大抵荒政。統而論之。先王有預備之政。上也。修李悝之政。次也。所在蓄積。有可均處。使以流過。

移民移粟又次也咸無焉設廉粥最下也。

附錄劉氏曰禮言天子之救荒曰膳不舉樂
食不祭脯馬不食穀馳道不除然又曰三年
耕餘一年之食九年耕餘三年之食則救荒
固不若備荒之有素也詩言先王之憂旱曰
鞠哉庶正政矣冢宰靡神不舉靡愛斯牲然
又曰在幽則有積倉崇糧在卑則有時糧饑
穰則憂旱固不若防患之有素也又曰辟鋤
公救荒之策爲尤許蠲租稅也罷冗吏也縱

流民而不禁也。募入粟而有賞也。朱文公救
荒之政爲尤善。放田租也。勸出粟也。招誘商
人也。戒飭官吏也。○袁氏曰。夫歲蓄而民病
者。無備故也。酌泉府而寡儲蓄者。無政故也。
古者人盡校田。耕三餘一。遺人掌委糗以行。
施惠。廩人詔穀用以治年之豐凶。卒有方千
里之水旱。民不捐瘠。今官無儲積。野鮮蓋藏。
無論三年九年。卽一歲饑饉。小民能不假貸。
足乎。戶口繁盛之地。卽大有秋。能不轉他郡。

邑穀粟以餉乎。一不登而更何以支。故曰無
備也。義社預備等倉。棋布境內。乃折乾以備
上官迎送之費。而猾胥後陰陽乾沒之穀。化
爲金錢。而耗托於雀鼠。按而詰者誰。故汲黯
郭仲默之開倉。人雖慕效。每咋舌而沮。故曰
無政也。上官報苗。必須檢覆。文移往復。每致
後時。幸不後時。而課額難虧。調停曲處。惟存
舊改折存留之法。無異養租。朝三暮四。沛惠
無幾。改折又非舊額。每加價以歛。夫折納充

數民已不堪。准估加銀。因萬角利。所得甚少。其傷實多。散帑賑饑。九重厚德。然饑民散處郊垌。報名於閭右之豪。出入于奸胥之手。曠日持久。得失不警。竊謂四民之苦。惟農稱最豐。僅半菽。凶先溝瘠。歲苟饑饉。當先惠農。若將賑金。計畝均給。實授秉耒者。而田主冒領必罰。武以賑銀抵充賦額。停糧不徵。而責田主出粟轉貸佃戶。小民庶沾實惠耳。蓋三老凍餒。而公聚朽蠹。嬰以知齊之衰道。殲。

望而女富。濫尤盼以卜。晉之敗。荒貶之條。始
於天子。宗廟鬼神。禱而不祀。平決獄囚。停
止造作。汰浮靡之費。放無用之獸。此救荒常
法。奈何不一舉行。以見憂於百姓乎。收寒者
雖有楫櫓累千。不如洪鈞一轉。廟堂畧加
樽節。勝有司補苴多矣。儲蓄之法。不必如賈
誼募民屯種也。不必如晁錯募民入爵免罪
也。但就今之贖鍰。責其實而郡邑令監司歲
可積五千石以上。雖使者希泉所積尤多。若

行之十年足備一年之賑矣。夫民饑得粟數斗卽活。今以供饋遺是饋者以數百人生命。結人一朝之歡。而受者囊數百人之命。以去。奈何不思之泣下也。人以行政。政以修傳。其在親民賢令乎。

市糴

總論市糴

黃氏曰市者商賈之事。古之帝王其物貨取之
任土所貢而有餘未有國家而市物者也。而市
之說則倣於周官之泉府。後世因之曰均輸曰
市易曰和買皆以泉府藉口者也。糴者民庶之
事古之帝王其粟米取之什一所賦而有餘未
有國家而糴粟者也。而糴之說則倣於齊桓公
魏文侯之平糴後世因之曰常平曰義倉曰和

羅皆以平糴藉口者也。然泉府與平糴之立法也。皆所以便民。方其滯於民用也。則官買之糴之。及其通於民用也。則官賣之糴之。蓋貧遷有無。由爲貧民之地。初未嘗有一毫專利富國之意。然沿襲既久。古意浸蝕。其市物也。亦諉曰權富賈。居賈待價之謀。及其久也。則官自效商賈之爲。而指爲富國之術矣。其糴粟也。亦諉曰救貧。良穀賤錢荒之弊。及其久也。則官有未嘗及民之惠。而能利積粟之人矣。至其極弊。則名曰

和買和糴而強配數目。不給價直。鞭笞取足。祿同常賦。蓋古人恤民之事。後世反藉以厲民。不可不究其顛末也。

周市法

以下論市

周禮司市掌市之治教政刑量度禁令。以次叙分地而經市。以陳肆辨物而平市。大市日昃而市。朝市朝時而市。夕市夕時而市。凡治市之貨。賄六畜珍異。亾者使有利者使阜。害者使亡。賄者使微。胥師各掌其次之政令。而平其賈賄。

憲刑禁焉。○賈師各掌其次之貨賄之滯。辨其
物而均平之。展其成而奠其賈。然後令市。○泉
府掌以市之征市。歛市之不售。貨之滯於民用
者。以其賈買之。物揭而書之。以待不時而買者。
買者各從其抵。都鄙從其主。國人郊人從其有
司。然後予之。凡賒者。祭祀無過旬日。喪紀無過
三月。凡民之貸者。與其有司辨而授之。以國服
爲之息。○葉氏曰。先王授民以井田。足食也。制
商以市廛。通貨也。太宰掌財之職。而與農穀並

任司徒通財之事而與稼穡同頒誠以食足
通而後教化可成也是以匠人營國則前朝而
後市內宰建國則佐后而利市市者所以通商
賈而阜財也。○馬氏曰泉府一官最爲便民。滯
則官買之民不時而欲買者官則賣之無力者
則賒貨與之蓋先王視民如子洞察其隱微而
多方濟其缺乏。仁政莫尚於此。初非專爲謀利
取息設也。王安石不原其立官之本意而勦鄭
註國服爲息一語行青苗以誤天下可乎。

漢平準法

漢武帝元封元年。用桑弘羊言。置均輸官於郡國。盡籠天下之貨。貴則賣之。賤則買之。使富商大賈。亡所牟大利。而物價不得騰躍。故抑天下之物。名曰平準。

王莽立五均官

王莽於長安及五都立五均官。馬氏曰。古人立五均。以均市價。立泉府。以收滯貨。而時其買賣。皆所以便民也。所謂國服爲息者。乃以官物

賒貨與民則累其息耳。今莽借五均泉府之說。令民採山澤者。畜牧者。紡織者。以至醫巫技藝。各自占所爲而計其息。十一分之一。以其一爲貢。則是直攫之耳。周公何嘗有此法乎。

唐宮市

唐德宗以宦官爲宮市。使置白望數百人。抑買人物。以紅紫染故衣。敗絹尺寸裂而給之。仍索進奉門戶及腳價錢。名爲宮市。其實奪之。諫官御史數諫不聽。徐州節度使張建封入朝。具奏

之上頗嘉納。以問判度支蘇升。升希宦者意對曰。京師游手萬家。無生業。仰官市取給。上信之。故凡言官市者皆不聽。

宋雜買 和買 王安石均輸之法

宋初京師有雜買物。雜買場。以至禁中貿易。仁宗謂輔臣曰。國朝懲唐官市之弊。置務。以京朝官內侍參主之。以防侵擾。而近歲非所急務。一切收市。擾人甚矣。乃申舊令。使皆給實直。其關內東門市民間物。或累歲不償錢。有司請自今

宜以見錢售之。○真宗太中祥符三年。河北轉運使李士衡請令官司預給帛錢俾其時輸送。則民獲利而官亦足用。從之。仍令優與其直。○神宗熙寧二年。制置三司條例司。始制均輸之法。以通天下之貨。制爲輕重歛散之法。使富商大賈不得乘公私之急。以擅其權。假發運使以錢貨資其用度。俾周知財賦有無而移用之。得以徙貴就賤。用近易遠。預知所當供辦者。從便變易蓄買以待上令。以歲運使薛向領其事。特

議多以爲非。後迄不能成。

齊管仲通輕重之法

以下論糴

齊管仲相桓公通輕重之權曰。歲有凶穰。故穀有貴賤。今有緩急。故物有輕重。人君不理。則畜賈遊於食。乘民之不給。百倍其本矣。民有餘則輕之。故人君歛之以輕。民不足則重之。故人君散之以重重。輕歛散之以時。卽準平。

魏李悝平糴法

魏文侯相李悝曰。糴甚貴傷人。其賤傷農。人傷

則離散農傷則國貧故甚貴與甚賤其傷一也
善爲國者使人無傷而農益勸是故善平糴者
必謹觀歲有上中下三熟大熟則上糴三而令
一中熟則糴二下熟糴一使人適足價平則止
漢耿壽昌常平法

漢宣帝時大司農中丞耿壽昌奏言故事歲漕
關東穀四百萬斛以給京師宜糴三輔弘農河
東上黨太原等郡穀足供京師可以省關中漕
卒過半又令邊郡皆築倉以穀賤時增其價而

雜貴時減價而糴。名曰常平倉。

唐和糴法

唐都關中。土地所入。不足以供軍國之用。歲不登。天子常幸東都。以就食。玄宗時。有彭果者。獻策。請行和糴於關中。自是京師糧廩溢美。玄宗不復幸東都。○德宗時。宰相陸贄。以關中穀賤。請和糴。可至百餘萬斛。一年和糴之數。當轉運之二年。一斗轉運之資。當和糴之五斗。減轉運以實邊。存和糴以餉時。○貞元四年。詔京兆府

於時價外。加估和糴。差清強官。先給價值。然後
收納。續令所司自船運載。至太原。先是京畿和
糴多被抑配。或物估踰於時價。或先歛而後給
值。追集停擁。百姓苦之。及聞是詔。皆忻便樂輸。
憲宗卽位之初。有司以歲豐熟。請畿內和糴。當
時府縣配戶督限。有稽違。則迫蹙鞭撻。甚於稅
賦。號爲和糴。其實害民。

宋糴法

宋太宗淳化三年。京畿大穰。物價甚賤。分遣使

臣於京城四門置場增價以糴。俟歲饑卽減價糴與貧民。○真宗景德元年內出銀三十萬付河北經度貿易軍糧。自兵罷後凡邊州積穀可給三歲卽止市糴。其後連歲登稔乃令河北河東陝西增糴。○馬氏曰古之國用食租衣稅而已。毋俟於糴也。平糴法始於李愷。然以利民而已。軍國之用未嘗仰此也。歷代因之。自唐始以和糴克他用。而糴遂爲軍餉邊儲一大事。熙豐以後始有結糴寄糴。依糴。均糴博糴兌糴括糴。

等名。何其多也。○丘氏曰。唐以前所謂糴者。聚米以賑民。宋以後所謂糴者。聚米以養兵。所以爲民者。今日宜行之內郡。所以爲兵者。今日宜行之邊郡。

宋王安石青苗法

宋神宗用王安石立制置三司。言諸路常平廣惠倉歛散未得其宜。以見在斛斗。遇貴量減市價糴。遇賤量增市價糶。以見錢依陝西青苗錢例。取民情願預給。令隨稅納斛斗。內有願請本

色或納時價。價貴願納錢者。皆許從便。其青苗
法以錢貸民。春散秋歛。取二分息。○蘇轍曰。以
錢貸民。使出息二分。出納之際。吏緣爲姦。法不
能禁。錢入民手。雖良民不免非理費用。及其納
錢。雖富民不免違限。如此則鞭笞必用。州縣多
事矣。○黃氏曰。青苗之法。蓋假周禮兩服爲息
之說。昔人謂其所以爲民害者三。曰懲錢也。取
息也。抑配也。條例司初請之時曰。隨租納斗斛
如以價貴願納錢者聽。則是未嘗徵錢。曰凡以

爲民公家無利其入。則是未嘗取息。曰願給者
聽。則是未嘗抑配。及其施行之際。實則不然者。
建請之初。姑爲美言。以感上聽。而厭衆論耳。

金幣

總論錢幣

黃氏曰。生民所資。曰衣與食。物之無關於衣食而實適於用者。珠玉五金。先王以爲衣食之具。不足以周民用也。於是以適用之物。作爲貨幣。以權之。故上古之世。以珠玉爲上幣。黃金爲中幣。刀布爲下幣。然珠玉黃金。爲世難得之貨。至若權輕重。通貧富。而可以通行者。惟銅而已。故九府圉法。自周以來。未之有改也。然古者幣材

而用簡。故錢有餘。後世俗侈而用靡。故錢不足。於是錢之直日輕。錢之數日多。數多而直輕。則其致遠也難。自唐以來。始制爲飛券。鈔引之屬。以通商賈之厚。齋貿易者。其法蓋執券引以取錢。而非以券引爲錢也。宋慶曆以來。蜀始有交子。建炎以來。東南始有會子。自交會旣行。而始直以楮爲錢矣。大珠玉黃金。可貴之物也。銅雖無足貴而適用之物也。以其可貴且適用者。制幣而通行。古人之意也。至於以楮爲幣。則始以

無用爲用矣。舉方尺腐敗之券而足以奔走一世。寒藉以衣。貧藉以富。蓋未之有。然銅重而楮輕。鼓鑄繁難而印造簡易。今捨其重且難者而用其輕且易者。而又下免犯銅之禁。上無搜銅之苛。亦便也。

銅幣之始

以下論錢

管子曰。湯七年旱。禹五年水。人之無積。有賈子者。湯以莊山之金。鑄幣而贖人之無檀。賣子者。禹以歷山之金。鑄幣以救人之困。○又曰。以珠

玉爲上幣。以黃金爲中幣。以刀布爲下幣。三幣
握之則非有補於煖也。食之則非有補於飽也。
先王以守財物以御人事而平天下也。是以命
之曰衡。衡者使物一高一下。不得有誦也。

九府圓法

太公立九府圓法。黃金方寸而重一斤。錢圓函
方。輕重以銖。布帛廣二尺二寸爲幅。長四丈爲
疋。故貨寶於金。利於刀。流於泉。布於布。束於帛。
成周錢布之官。

司市以商賈阜貨而行布。國凶荒札喪則市無
征而作布。鄭玄曰金銅無荒年因物貴大鑄
錢以饒民。○外府掌邦布之入出以共百物而
待邦之用凡祭祀賓客喪紀會同軍旅共其財
用之幣齎賜御之財用凡邦之小用皆受焉。○
泉府掌以市之征布歛市之不售貨之滯於民
用者。

子毋相權之說

周景王時患錢輕將更鑄大錢單穆公曰古者

天降災戾。於是乎量資幣。權輕重。以賑救民。民患輕。則爲之作重幣以行之。於是乎有母權子而行。民皆便焉。若不堪重。則多作輕而行之。亦不廢重。於是乎有子權母而行。小大利之。今王廢輕而作重。民失其資。能無匱乎。若匱。王用將有所乏。乏則將厚取於民。民不給。將有遠志。是離民也。王弗聽。卒鑄大錢。文曰寶貨。內外皆有周郭。以勸農墾。不足。百姓蒙利焉。丘氏曰。錢有文始此。

半兩錢

秦兼天下。幣爲二等。黃金爲上幣。銅錢質如周錢。名曰半兩。重如其文。爲下幣。而珠玉龜貝銀錫之屬。爲器飾寶藏。不爲幣。

八銖錢 莢錢

漢高后三年。行八銖錢。卽秦半兩錢也。六年。行五分錢。卽莢錢。

除盜鑄錢令 四銖錢 五銖錢 當千錢

漢文帝五年。爲錢益多而輕。乃更鑄四銖。其文

爲半兩。除盜鑄錢。令使民自鑄。丘氏曰後世弛私錢禁始此。○是時吳王濞卽山鑄錢富埒天下。後卽叛逆。鄧通以鑄錢財過王者。故吳鄧錢布天下。○漢武帝時有司言三銖錢輕。輕錢易作姦詐。乃更請郡國鑄五銖錢。周郭其質。令不得磨錢取銖。丘氏曰秦世八銖失之太重。漢凡榆莢失之太輕。武帝罷三銖錢。鑄五銖錢。最得輕重之宜。○吳孫權始鑄當千錢。旣太貴。但有空名。人間患之。丘氏曰後世鑄大錢始

此。

開元通寶錢

唐高祖武德四年。廢五銖錢。鑄開元通寶。每錢
十錢重一兩。計一千重六斤四兩。得輕重大小
之中。丘氏曰。太公九府圜法。凡錢輕重以銖
今之一兩。卽古之二十四銖。計一錢。則重二銖
半以下。古秤比今秤三之一。則今之一錢。爲古
之七銖以上。

宋錢

宋初錢文曰宋元通寶太平興國後又鑄太平通寶自後改元必更鑄以年號爲文。○自王安石石爲政始罷銅禁姦民日銷錢爲器邊關海船不復議錢之出國用日耗。

本朝錢

聖祖未建極之前卽創大中通寶旣登基之後又鑄洪武通寶暨太宗鑄永樂通寶宣宗鑄宣德通寶百年之間僅此四鑄錢迨弘嘉以後則每更一號必鑄一錢矣。

鑄錢之弊

南齊高帝時奉朝請孔顗上書曰鑄錢之弊在於輕重屢更重錢之患在於難用而難用爲無累輕錢之弊在於盜鑄而盜鑄爲禍深人所以盜鑄而嚴法不能禁者由上鑄錢惜銅愛工也所以惜銅愛工者謂錢無用之器以通交易務欲令銅輕而數多使省工而易成不詳慮其患也自漢鑄五銖錢至宋文帝四百餘年制度有廢興而不變五銖者其輕重可得貨之宜也以

爲開置錢府。大興鎔鑄。錢重五銖。一依漢法。則
府庫以實。國用有餘。○黃氏曰。自太府園法以
來。以銅爲錢。或爲半兩。或爲榆莢。或爲八銖。或
爲四銖。不知幾變矣。惟漢之五銖。爲得其中。五
銖之後。或爲赤仄。或爲當十。或爲鵝眼。縑綬。或
爲荇葉。又不知其幾變矣。惟唐之開元。爲得其
中。二者之外。或以一當三。或以一當十。或以一
當百。然皆行之不久。而遽變。惟其質制如開元
者。則至今通行焉。惜乎世道降而巧僞滋。占錢

之存于世者無幾凡市肆流行而通使者皆
鑄之偽物耳其文雖舊其器則新律非無明禁
也彼視之若無作之者無忌用之者無疑銷古
以爲今廢真而售贗滔滔皆然卒莫如之何也
已矣爲今之計莫若拘盜鑄之徒以爲工收新
造之錢以爲銅本孔顓之說別爲一種新錢以
新天下之耳目通天下之物貨革天下之宿弊
利天下之人民。

楮弊之始

以下論鈔

周禮以官府之八成經邦治。四曰聽稱責以傳別。丘氏曰傳別謂券書也。稱謂貸之以物。責謂責其所償。此乃後世契券文約之始。特民間私相以爲符驗耳。非以交易也。然用券書以通貨物之有無。與後世交會楮鈔其用雖不同。而其以空文質實貨其原皆兆於是矣。

白鹿皮幣

漢武帝元狩四年有司言縣官用度大空而富商大賈財或累萬金不佐國家之急請更錢造

幣以贍用而排浮淫并兼之徒乃以白鹿皮方尺緣以藻績爲皮幣直四十萬王侯宗室朝覲聘享必以皮幣薦璧然後得行丘氏曰後世楮幣肇端于此然其用皮爲幣用之以薦璧以朝覲聘享爾非以此爲用也其制雖與後世楮鈔不同然不用金銀銅錫爲幣而以他物代之則權輿于此也

飛錢

唐憲宗時令商賈至京師委錢諸路進奏院及

諸軍諸使官家以輕裝趨四方。合券乃取之。號飛錢。丘氏曰。此楮法所由起也。然委錢而合券以取。而錢與券猶是二物。非若今之鈔。卽以鈔爲錢而用之也。宋太祖時。許商人入錢左藏庫。以諸州錢給之。而商旅先經三司投牒。乃輪於庫。所由司計一緡。私刺錢二十。尋置便錢務。丘氏曰。此卽唐人飛錢之法。

父子會子之法

真宗時。張詠鎮蜀。患蜀人鐵錢重。不便貿易。設

質劑之法。一交一緡。以三年爲一界而換之。六十五年爲二十二界。謂之交子。富足十六戶主之。其後富民金貲稍衰。不能償所負。爭訟數起。○寇瑊守蜀。乞禁交子。轉運使薛田張若谷議。歲交子則貿易不便。請官爲置務。禁民私造。詔從其請。置益州交子務。丘氏曰。自古之幣皆以金若銅。未有用他物者。用楮爲幣。始于此。○天聖中。界以百二十五萬六千三百四十緡。爲額。至神宗時。改交子務爲錢引務。丘氏曰。交

子每三年一換謂之界更換之際新舊相易上
下相關不免勞擾我朝鈔法一定而不更可
謂便矣。高宗紹興三十年戶部侍郎錢端礼
被旨造會子內外流轉其合發官錢並許兌會
子輪左藏庫丘氏曰宋朝交子至是更名會
子不特此也又謂之錢引又謂之關子又謂之
關會其實一而已矣考夫唐之飛錢合券特以
通商賈之厚資貿易者蓋執券以取錢而非以
券爲錢也宋自真宗以後蜀始有交子高宗以

後東南始有會子而始直以紙爲錢矣。

平準稱提之法

宋高宗論交子之弊曰如流該稱提之說。但官中常有百萬緡。遇交子減價。自買之。卽無弊矣。○戴註曰。自物貨難於阜通。於是假圖法以流轉。故言錢則曰平準。所以見有是錢。必有是物。而後可準平也。錢多易得。則物價貴踊。此漢唐以後議論也。自商賈憚於般挈。於是利交子之兌換。故言楮則曰稱提。所以見有是楮。必有是

錢以稱提之也。楮多易得。則金錢貴重。其宋紹興以後議論也。平準稱提。皆以權衡取義。而低昂有在。於重輕明矣。陸贄謂錢多則輕。必作法以歛之。趙開謂楮多則輕。必作錢以收之。立氏曰。今世鈔法遇有不行。亦有準此稱提之法。出內帑錢以收之。則流行矣。

金元交鈔之法

金循宋四川交子法。置交鈔。自一貫至十貫五等。謂之大鈔。自一百至七百五等。謂之小鈔。以

七年爲限。納舊易新。其後罷七年贖華之限。有昏者方換之。丘氏曰鈔之名始於此。○元世祖始造交鈔。以絲爲本。每銀五十可易絲鈔一千兩。諸物之直。並從絲例。其後又造中統元寶鈔。以十計者四等。以百計者三等。以貫計者二等。每一貫同交鈔一兩。兩貫同白銀一兩。元寶交鈔行之既久。物重鈔輕。

本朝鈔法

本朝制銅錢寶鈔相兼行使。百年于茲。未之或

改。然行之既久。意外弊生。錢之弊在於僞。鈔之
弊在於多。是以至今日。錢在天下有行有不行。
而鈔則絕不以之貿易也。